

黔南叢書

第二集第八冊

默雨齋書第二集第九種

黔
黔

據肉妙香室齋書本校印

嘉慶十八年今少宰山陽李公以贊善督學黔中時巡撫某公以黔中地非甚寡糧數乃不敵一二縣於江蘇疑士民田多隱匿擬奏請全省丈量田公聞之駭甚而無說以折之也而某公自以不加賦而田得增多賦倍出爲國家計久長意自得銳甚時時籌經費調屬吏議設官局事奏請卽行有日矣公初至黔時以黔中文獻隱失府縣志多缺不修無以稱聖天子一道德廣文思之意乃檄各學校官訪鄉士大夫藏金石圖史歌謠志乘涉黔事者最上學使鈔錄發還而遂得錄御史包祚

永丈田奏蓋乾隆初貴州學使鄒一桂請丈田而包公駁之得俞旨公得此奏則大喜示某公曰丈田議學臣嘗奏之駁不行今公發之必援前議解其駁議乃得申不然部議必駁公如曩時且以匿前駁不奏詰公卽公無辭某公見奏驚曰吾不意害乃如是非包君黔人固無由知請勿復言丈田事立廢局罷所調吏後他巡撫來以事遠文書多遺失恐復萌芽故列上其事而公爲少司徒乃得援前議詳復之事定不行方公檄學官上人家所藏書惟網羅放失舊聞將編爲黔記補田侍郎

黔書之缺而已而遂得包御史奏以回某公之意以安黔中之民不然黔中固多山少平地民或以虛占不毛之土而實奪其可耕之田又以胥吏上下之手而丈其高下不可準之地使賄成於胥吏民財耗而官田不增其害小苟民田奪而官田遂增椎剝其膚髓爲國家經常之規則一朝而伏萬世之憂不難矣而黔之民得至今宴然無憂非公之功哉此一事也於是書足千古矣若夫鉅細悉備裨益雅俗有華陽志風土記之遺風覽是書者當自得之而有取焉道光十四年甲午二月門

下士上元梅曾亮謹序

僕夫通曉悉謂時益盛於昔而國運屬士臨之機運
今寔然無異於公之也當此一事而供景書於下者
當之思國一睡而分萬計之憂不顧矣而僕之思國
其害小焉則用書而官田變售辦歸其操歸其
歸平不可勝之服也而無他焉吏吏州縣而官田
之士而官田其可無之因又思得度士至之至而
僕幸之更不然得中而矣由心平想則其意亦不
僕得之新而日補其發也其意亦不

余於癸酉視學黔中爲期纔十閱月試纔閱六郡所聞
見尠矣而足所歷與所採訪而得之者有爲田氏黔書
及通志所未及載欲錄爲譚助顧以試事更續無少暇
甲戌十月奉

命以祭酒旋京供職至澠陽登舟蓬窗無事一一追錄
之二十六日畢記

學則全其德

其後之有外區者始知此區之爲國之有可貴也

黔記後序

蓋聞輶軒采風皇華備五善之義山川具說大夫擅九能之才顧有書奧金繩多鴻彥所未識難得圖明鐫冊與象胥而等詳芝齡夫子於癸酉歲督學貴州成黔記一書二首六身異徵文於形象八蠻九貉符紀要於職方山海神異之經同資小說歲時風土之記足廣璣聞刪古緝今洵有合於太史陳詩之道攷靡莫之地三危奠其居據烏撒之隅七星扼其要元明以來草昧初闢我朝定制幅隕以恢聲教被乎流沙九州同列化治浹

於甌脫五服咸歸訓方懷方有誕敷之文德疆索戎索
無羈縻之權謀形勝險隘可用而不可恃也戶口繁富
可聚而不可散也風俗驕悍可教而不可逞也物產苦
窳可樸而不可華也於是隸之以版籍重之以軍防養
之以農桑申之以學校屏翰旣樹荒徼斯馴二百餘期
西南敕定揆諸前代蓋所罕聞且夫深維治變者國家
固本之說也稽考利病者志乘紀載之實也葦篴藍縷
撻荆楚以示威蠶叢魚鳧開巴蜀以益地莊蹻楸船之
策始於入滇唐蒙鑿空之謀因而置郡取二衛而歸統

制控四省以重藩屏東則銅巖潯溪崆峒屹嶠份汭潯
沈相爲間阻西則赤虺蟒山蜿蜒巘峴南則盤江索嶺
大川鉅險老鴉哈馬嚴關重固扼持上下如鎖鑰焉北
有烏江瀑瀑揚濤西望峻峙秀潤參天廣袤一千六百
餘里區域形勢實居天下要害之最至若歷倒馬坡玩
犀牛洞石壁有影霜鐘飛聲雲蓋覆乎聖泉金橋灑夫
夜雨黃果入市衣有雪而猶輕白田聽鷺仙無樓而不
謫釣雙明之鯉澄潭忽青喧官廨之蛙方池自碧松橫
牟珠之洞石乳凝而蓮座開樓高相寶之山金鏡明而

銅牛伏石鑪石確鬼設神施柳泉柳池波譎雲詭安順
井潔煮胡麻而飯紅威甯水香映葡萄而珠綠聳甲秀
於天半來華巖於西時高真啓觀地面城以見山君子
名亭驛臨風而偃草宏福寶剎鋒峰巋然芹香講臺卓
乎巽位真靈之所往來有張邈邈焉名儒之所棲託有
尹道真焉尤其異者黑神之祠里社奉而喧闐大王之
坡行客過而惕息荒誕傳會難以理論若夫夢白蓮而
誕生師赤松以問道丈田爭議誇威鳳之獨鳴古研名
齋誌懸魚之清節採翰藻文筆擷其秀感流離遷謫寫

其況風雅摭掖文獻考徵又若湘川梅竹共青芝以并
生黔西海棠飄絳雲而不落蟬鳴稻熟蟻奪果繁紅遍
山而鵲嬌黃過路而桃拂芙蓉變於一日藝草芳於四
時柘樹飼蠶茂田園而客至刺梨來虎種籬落以春歸
羊肚名菌產彼嘉蔬亦有羅鬼兼供采捋磨芋土芋出
清平而味佳夾酒順酒進壺棒而歡浹旨蓄是禦饕餮
沸湯瘠薄時形蕎粇食苦他如雅務果瓮附方言之不
同上會紫包詳嬉習之所自吹絲入市假朱提而銃充
痛詈啓爐開子廠而礦旺端公治病嫻螺卜以審吉凶

送瓜祝禱名石保而延鼓吹爲齊諧之志怪則說鬼物
資談柄焉紹炎徼之紀聞則揭治亂符考核焉柳細風
清嗤武臣之署樞下山拷火綴神廟之連塲莫不蒼萃
網羅廣其摭拾矣顧杼首魑結族類本殊有苗鬼方沿
流遂夥獐夷八十二種不無生熟之分府廳一十四屬
定以筦轄所始長裙青帕此豸耀女官之妝堅甲利兵
螭果習武夫之技六額洗骨大背孝慈八番剝木兼事
漁獵捉白放黑乃市儈之奸插竹躡笙亦淫風之扇花
毬銅鼓逢跳月而歌呼偏架巴槽逞雄風而爭劇馬郎

有房亦可醜也鵲聲喻父能無慟乎焚燹佞佛之徒狎
家畜蠱之習良由馬兵六百人所遺獫狁視夫田書三
十種未備蒐羅亦有約束能遵徇楊保之鄉老讀書自
好標紫薑之淳良藏旁輒之篇古風未泯織谷蘭之布
民生在勤打牙剪髮遂其安全曾竹葫蘆居然食息洞
苗菁苗之地性情化其桀鰲宋家蔡家之風表彰堪爲
矜式抑有說者黔中典文弗備我夫子在黔僅十月校
試止六郡搜志傳之所未載憶遊歷之所曾經不以簡
滋陋不以俗傷雅山水人物得失安危之大指於是乎

見焉後之人因地徵圖披蒲考索尋奢香之驛水西迹
陳登銀賴之山古州烽熄徘徊龍里知表裏之相依顧
瞻鴨池識強弱之有定馬跑泉出螺擁山高武帝經營
想旌旗於在昔諸葛勛望凜指揮於自今安堵帖然休
養生息符竹所判蠻觸不驚將荆梁之區禹跡未墜參
井之野歲星常臨所謂一人荷戟萬夫趑趄起骨肉齟齬
參商播凱者咸納諸大一統之中而全憶萬年之計則
此書也策治安防禍患非祇記輶車之鴻雪而實爲櫛
杷之嚆矢倘謂體例猶略以拾藩見疑於乎慎矣受業

黃景濂序